

կացուցանել զոր խնամակալ 'ի վերայ Պատրիարքին և յա-
խանորդի և արանց նորա և յազազս դիւրութեան և օգ-
տի ամենայն եկեղեցականաց, և խնամելոյ զազգն, որք ընդ
իշխանութեամբ Օսմանցեոց՝ յառաջագոյն Արքունի հրովար-
տակաւ կարգեցաւ խնամակալ Եղիազար Կաթուղիկոս եւ
տուաւ նմա գիր 'ի դատարանէ և հրովարտակ յԱրքունուստ-
եւ գարձեալ եւ հրաման սուկս ձրի բաժանելոյ զՄիւսունն և
այժմ՝ ըստ զօրութեանց այնց հրովարտակաց, Եղիազար
ամենայն եկեղեցականօք իւրովք, երթեալ նաոցի յերուսա-
ղէմ 'ի վանս Ս. Յակորայ, վարեւ զիշխանութիւն Կաթու-
ղիկոսութեան եւ Պատրիարքութեան իւրոյ, օրհնել ըզ-
Միւսունն և զի մի՛ երբէք հակառակեսցին Պատրիարքունք
կոստանդինուպօլսոյ, և Երուսաղէմի՝ և յիսխանորդք նոցին,
և որոց ընդ նմա, և մի ոք յեպիսկոպոսաց իշխեսցէ երթալ
անդր, եթէ ունիցի հրովարտակ 'ի ձեռին եւ եթէ ոչ,
տուաւ հրովարտակ ըստ խնդրանաց նոցա և գրեալ 'ի ՎՇԵՎ-
ժալ ամսոյ, ՎՊԶ (1666) :

Գ Լ Ո Ւ Խ Խ Թ .

Ընդիր պատարագելոյ 'ի վերայ Գերեզմանին Քրիստոսի : Մեկնել Եղեա-
ղարու յերուսաղէմ : Յակոբ Կաթուղիկոս : Օրհնութիւն Միւսունի յե-
րուսաղէմ : Բաղք Եղիազարու և Ժողովոց : Մէլիտոս Վրացի : Բա-
ժինք Հայոց 'ի տաճարին Ս. Յարութեան : Դաւիթ Յերիայի : Գժտու-
թիւն Մարտիրոսի ընդ Եղիազարու : Մահ Առաւածատուր պատրիարքի :

Ի ԲԱԶՈՒՄ Ժամանակաց հետէ խափանեալ էր խոր-
հուրդ Պատարագին Հայոց 'ի Գերեզմանէն Քրիստոսի, մա-
նաւանդ Լատին կղերք բազմօք ընդդիմացեալ այսմ բացէ
'ի բաց մերժէին զՀայս, և ծանր թուէր նոցա մտանել 'ի
Գերեզմանն : Իսկ Եղիազար թէպէտ եւ բազմօք ջանայր
քաղցրացուցանել զմիտս և բառնալ զընդդիմութիւնս նո-
ցա, այլ ոչ անսային նոքա, և բանք Եղիազարու ոչ եղիտ
տեղի 'ի լսելի : նոցա, վասն որոյ հարկ եղեւ բողոք բառ-
նալ 'ի Դուռն . որ և գրեաց զիր ազաջանաց առ Եպար-